

## AUGLÝSING

### um staðfestingu reglna sveitarfélaga um úthlutun byggðakvóta.

#### 1. gr.

Með vísan til 4. mgr. 4. gr. reglugerðar nr. 960, 6. desember 2004, um úthlutun á þorsk-ígildislestum til stuðnings byggðarlögum, staðfestir ráðuneytið eftirfarandi úthlutunarreglur þessara sveitarfélaga:

#### 1. Akureyrarbær.

1. Afla sem úthlutað er á grundvelli úthlutunar byggðakvóta Akureyrarkaupstaðar er skylt að vinna í Hrísey. Það telst vinna þegar afli er fullunninn í fiskvinnslum í Hrísey.
2. Umsókn um byggðakvóta skal skilað á skrifstofu Akureyrarkaupstaðar fyrir 1. febrúar 2005. Einnig má skila umsókn á netfangið [jonbirgir@akureyri.is](mailto:jonbirgir@akureyri.is).
3. Með umsókn um byggðakvóta skal fylgja staðfesting fiskverkunar í Hrísey um að afli verði unninn þar. Gerð skal grein fyrir á hvaða tímabili umsækjandi hyggst veiða/landa úthlutaðum byggðakvóta. Jafnframt skulu tilgreindar upplýsingar um hve mikið af aflaheimildum umsækjandi hyggst leggja á móti byggðakvóta. Öllum afla samkvæmt þessari grein skal landað fyrir lok fiskveiðiárs.
4. Rétt til úthlutunar byggðakvóta hafa skip sem skráð hafa verið með heimahöfn í Hrísey árið 2004 eða skip sem lönduðu afla sínum þar á því ári. Miðað er við skráningu Fiskistofu þann 31. desember 2004.
5. Bátum sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta sem einnig verði unninn í fiskvinnslu í Hrísey og skoðast móttekin umsókn sem staðfesting viðkomandi á því að það verði gert.
6. Fullnægi fleiri en eitt skip þessum skilyrðum skal byggðakvótanum skipt að 1/3 jafnt á öll skip sem uppfylla skilyrði 4. gr. og 2/3 í hlutfalli við þær aflaheimildir sem umsækjandi/skip leggur til í umsókninni.
7. Við verðlagningu afla til fiskvinnsla í Hrísey skal að lágmarki greiða viðmiðunarverð Verðlagsstofu skiptaverðs fyrir þorsk, ýsu og karfa, en fyrir aðrar tegundir sambærilegt verð og algengast er á viðkomandi landsvæði að teknu tilliti til stærðar og gæða.
8. Aflaheimild er ekki framseljanleg og skulu hlutaðeigendur afsala sér henni fyrir 15. júní 2005 geti þeir ekki farið að þeim reglum sem um ráðstöfunina gilda.
9. Þann 10. ágúst 2005 skulu útgerðir þeirra skipa sem úthlutað fá byggðakvóta samkvæmt þessum reglum skila inn skýrslu til Akureyrarbæjar um nýtingu hans. Verði skýrslu ekki skilað eða ákvæðum þessara reglna um löndun afla ekki fylgt geta viðkomandi bátar átt á hættu að fá ekki úthlutaðan byggðakvóta komi til slíkrar úthlutunar síðar.
10. Um úthlutunina gilda að öðru leyti ákvæði reglugerðar nr. 960/2004 um úthlutun á 3.200 þorskígildislestum til stuðnings byggðarlögum.

#### 2. Austurbyggð.

1. Rétt á úthlutun eiga krókaafلامarksbátar og aflamarksskip sem skráð hafa verið með heimahöfn í Austurbyggð fiskveiðiárið 2003-2004 og útgerð hafi þar lögheimili og starfsstöð. Einnig geta bátar/skip átt rétt á úthlutun ef eigendur þeirra hafa átt lögheimili og starfsstöð í Austurbyggð á umræddu tímabili.
2. Úthlutaðum aflaheimildum til Fáskrúðsfjarðar verður eingöngu skipt á milli þeirra skipa/báta sem skráð hafa verið með heimahöfn á Fáskrúðsfirði og úthlutaðum afla-

heimildum til Stöðvarfjarðar verður eingöngu skipt á milli þeirra báta/skipa sem skráð hafa verið með heimahöfn á Stöðvarfirði fiskveiðiárið 2003-2004. Litið er þannig á að bátar/skip sem skráð eru í Austurbyggð eigi heimahöfn þar sem lögheimili útgerðar er.

3. Forgang að úthlutun eiga bátar undir 200 brúttótonnum.
4. Umsækjandi skal tilgreina í umsókn hversu miklum aflaheimildum hann óskar eftir og treystir sér til að fara með samkvæmt reglum þessum.
5. Ef umsóknir um veiðiheimildir verða umfram úthlutað aflamark á hvorn stað skal aflaheimildum skipt hlutfallslega milli umsækjenda er uppfylla skilyrði um úthlutun, miðað við það magn sem bátur og/eða útgerð landaði í Austurbyggð á fiskveiðiárinu 2003/2004. Úthlutun verði þó aldrei minni en 5 þorskígildislestir á bát vegna þessa ákvæðis. Aflaheimildum skal fyrst skipt milli báta undir 200 brúttótonnum og því sem þá er eftir skipt milli stærri skipa sem sækja um, á sama grunni og milli minni báta.
6. Umsækjandi, útgerð, bátur eða aðili útgerðar sem hefur áður fengið úthlutað byggðakvóta, á því aðeins rétt á úthlutun nú að hann hafi staðið við reglur sem giltu við fyrri úthlutun. Staðfestar upplýsingar um meðferð áður úthlutaðra aflaheimilda þurfa því að fylgja umsókn.
7. Umsækjandi skal leggja fram gögn um að hann sé eigandi að bátnum er sótt er um aflaheimildir á eða fullgildan samning um leigu á viðkomandi bát.
8. Einungis verði úthlutað til þeirra sem leggja fram samkomulag við fiskvinnlustöð í Austurbyggð um úrvinnslu aflans samkvæmt umsókn. Jafnframt þurfa útgerðir viðkomandi báta/skipa að lýsa yfir vilja sínum til að landa til vinnslu á staðnum þreföldu því magni í þorskígildistönnum sem þeir fá úthlutað. Í lok kvótaárs skal skila staðfestingu frá vinnslu um að umrætt magn hafi borist henni. Við næstu úthlutun byggðakvóta áskilur sveitarstjórn sér rétt til að miða við landaðan afla til vinnslu í byggðarlaginu á fiskveiðiárinu 2004/2005 við ákvörðun um skiptingu veiðiheimilda.
9. Verði umsækjandi, útgerð, bátur eða aðili útgerðar sem fær úthlutað veiðiheimildum uppvís að því að virða ekki þau skilyrði sem sett eru varðandi vinnslu í sveitarfélaginu fyrirgerir hann rétti sínum til hugsanlegrar úthlutunar næstu 5 árin.

### 3. Árneshreppur.

1. Úthlutun fari aðeins fram til báta, sem eru í eigu manna, sem eiga lögheimili í Árneshreppi.
2. Aflanum verði landað í höfn (Norðurfirði) í Árneshreppi.

### 4. Blönduósbær.

1. Blönduósbær áttlar að skipta þeim 69 þorskígildislestum sem komið hafa í hlut sveitarfélagsins til báta sem stunda veiðar fyrir fiskvinnslufyrirtæki sem starfrækt eru í Blönduósbæ. Þannig koma þessi 69 tonn í hlut báta sem gera samning við fiskvinnlustöð í sveitarfélaginu og verður þeim skipt jafnt á umsækjendur sem uppfylla neðangreind skilyrði.
2. Blönduósbær mun auglýsa eftir aðilum til veiða og verður kvótanum úthlutað til jafns milli þeirra báta sem sækja um og gert hafa samkomulag við vinnlustöð í Blönduósbæ. Uppfylla þarf eftirfarandi skilyrði:
  - a) Úthluta skal aflaheimildum til báta sem skráðir eru hjá sveitarfélaginu.
  - b) Bátar sem ekki eru skráðir í sveitarfélaginu en eiga samstarf um veiðar við vinnlustöð á Blönduósi fá úthlutað aflaheimildum liggi fyrir skriflegt samkomulag beggja aðila, þ.e. vinnlustöðvar og bátaeigenda, þar um.

3. Skylt er að vinnsla aflans fari fram innan sveitarfélagsins og ber hlutaðeigandi að skila inn greinargerð til sveitarfélagsins um vinnslu aflans eigi síðar en 1. september 2005.
4. Aflaheimild er ekki framseljanleg og þurfa hlutaðeigendur að afsala sér aflaheimildum geti þeir ekki farið að þeim reglum sem um ráðstöfun þeirra gilda.

#### **5. Borgarfjarðarhreppur.**

1. Hreppsnefndin auglýsir eftir umsóknum um byggðakvótann.
2. Kvótanum verður skipt jafnt milli þeirra báta sem skráðir voru og gerðir út frá Borgarfirði í upphafi fiskveiðiársins og sótt hefur verið um byggðakvóta fyrir.
3. Þeir sem fá úthlutað byggðakvóta skuldbindi sig til að leggja hann upp til vinnslu á Borgarfirði. Þá skuldbindi þeir sig ennfremur til að selja ekki eða leigja frá sér aflaheimildir á fiskveiðiarinu umfram það sem þeir kaupa eða leigja til sín.
4. Telji einhver, sem fengið hefur til sín byggðakvóta, sér nauðsynlegt að láta frá sér meiri aflaheimildir en hann fær til sín sbr. 3. tl., þá skal viðkomandi gera hreppsnefndinni grein fyrir því fyrir lok maímánaðar og afsala sér jafnframt byggðakvótanum, sem þá verður skipt milli annarra báta á Borgarfirði sem úthlutun hafa fengið.

#### **6. Breiðdalshreppur.**

1. Til þess að bátur/fyrirtæki fái úthlutun skal hann hafa verið með heimili skráð í Breiðdalshreppi 1. september 2004, þó með þeirri undantekningu að ef um breytingu á skipakosti hefur verið að ræða frá 1. september til úthlutunardags, þá skal tekið tillit til þess.
2. Bátur/fyrirtæki sem fær úthlutað byggðakvóta, skal að lágmarki tvöfalda það aflamagn sem hann fær úthlutað, til vinnslu í Breiðdalshreppi.
3. Öllum afla sem úthlutað er sem byggðakvóta til báta skal landað á Breiðdalsvík.
4. Öllum afla sem úthlutað er sem byggðakvóta skal landað til vinnslu á Breiðdalsvík.
5. Gerðir skulu skriflegir samningar milli Breiðdalshrepps og viðkomandi báts/fyrirtækis sem gilda skulu til eins árs í senn.
6. Sækja skal skriflega um byggðakvóta til Breiðdalshrepps með rökstuðningi um hvernig viðkomandi hyggst tvöfalda að minnsta kosti það magn sem sótt er um.

#### **7. Djúpivogur.**

1. Úthlutuðum veiðiheimildum verði eingöngu skipt milli þeirra skipa sem skráð voru með heimahöfn á Djúpavogi í upphafi fiskveiðiárs 2004/2005, enda séu útgerðarmenn með lögheimili í sveitarfélaginu. Hafi eigendur eldri skipa endurnýjað þau, áður en umsóknarfrestur rennur út, gildir sama regla.
2. Miðað skal við að hámarksstærð fiskiskipa, sem úthlutun fá, sé takmörkuð við 15 brl.
3. Einungis verði úthlutað til útgerða þeirra skipa, sem leggja fram eigi síðar en 15. febrúar 2005 skriflegt samkomulag við vinnslustöð/vinnslustöðvar á Djúpavogi um úrvinnslu aflans skv. úthlutuðum heimildum og jafnframt að viðkomandi útgerð muni leggja upp áttfaldan byggðakvóta (þó að hámarki úthlutuðum kvóta í upphafi fiskveiðiárs, og eftir atvikum að teknu tilliti til bóta og geymslukvóta milli ára, sbr. 5. gr.) að meðtöldum úthlutuðum byggðakvóta til sömu vinnslustöva(r). Þá skuldbindi útgerðir sig í umsókn til að selja ekki eða leigja frá sér úthlutaðan kvóta á fiskveiðiarinu umfram það sem þær kaupa eða leigja til sín til hagræðingar þ.e. skipta sambærilegu magni miðað við þorskígildi fyrir aðra(r) tegund(ir), sem henta(r) betur útgerð viðkomandi skips. Á grundvelli samnings við fiskvinnslu sækir útgerð um byggðakvóta til sveitarstjórnar eigi síðar en 15. febrúar 2005. Sé mismunur á afla umfram áttfaldan kvóta og úthlutuðum grunnkvóta (í þorskígildum) að viðbættum byggðakvóta komið til vinnslu í öðru byggðarlagi, þarf við-

komandi útgerð að geta sýnt fram á að vinnslustöðvum á Djúpavogi hafi fyrst verið gefinn kostur á að kaupa umræddan afla.

4. Þegar fyrir liggur, hvaða skip, sem sótt hefur um byggðakvóta fyrir, uppfylla ákvæði 1.-4. gr. úthlutar sveitarstjórn eigi síðar en 28. febrúar 2005 heildarmagni byggðakvóta á fiskveiðiarinu til þeirra báta, sem undir reglurnar falla í sama hlutfalli miðað við þorskígildi og sömu bátar fengu úthlutað aflamarki í upphafi fiskveiðiárs 2004/2005. Einungis verður tekinn inn í hlutfallsreikninginn sá hluti hugsanlegs kvóta, sem fluttur er milli ára, eða kemur sem bætur frá sjávarútvegsráðuneyti vegna fyrri ára – og eingöngu að hámarki mismunur á áttföldum kvóta og kvótastöðu í þorskígildum 30. desember 2004, hafi viðkomandi skip við setningu reglnanna landað þann dag meiri afla til vinnslu utan byggðarlagsins en sem nemur mismun á áttföldum afla og úthlutaðum afla kvótaárið 2004/2005.
5. Telji útgerð sér vera nauðsyn á að leigja frá sér eða selja kvóta umfram leigðan kvóta eða keyptan skal hún gera sveitarstjórn grein fyrir því og skila byggðakvótanum aftur til sveitarfélagsins fyrir lok júní 2005. Verður honum þá með sama hætti skipt milli annarra báta sem úthlutun hafa fengið skv. skiptireglu í 5. gr. og ekki hafa fyrirgert rétti sínum á kvótanum skv. reglum þessum. Endurnýi útgerð skip eftir að úthlutun fer fram, getur byggðakvóti hennar flust yfir á hið nýja skip, enda hafi erindi þar að lútandi verið lagt fyrir sveitarstjórn og útgerðin uppfylli að öðru leyti framangreindar reglur.
6. Standi útgerð eða útgerðarmenn ekki við samkomulag við vinnslustöð(-var) og/eða reglur sveitarstjórnar vegna úthlutunar byggðakvóta ársins, koma hlutaðeigandi ekki til greina, þegar úthlutað verður næst.

## 8. Grundarfjörður.

1. Fjórðungi byggðakvótans (34,5 þorskígildistonn) verði úthlutað til:  
Aflamarksskipa sem hafa lögheimili útgerðar og útgerðarstjórnar í Grundarfirði, á fiskiskip sem þaðan eru gerð út, í hlutfalli við landaðan afla í Grundarfirði á síðast fiskveiðiári 2003/2004. Við úthlutun skal heildaraflamark einstakra fiskiskipa ekki aukast um meira en 100%, miðað við úthlutun í upphafi fiskveiðiárs 2004/2005 og ekkert fiskiskip skal hljóta meira en 15 þorskígildislestir miðað við óslægðan fisk. Komi minna en 100 þorskígildiskiló í hlut einhvers fiskiskips, samkvæmt framangreindum reglum, fellur úthlutun til þess fiskiskips niður og skiptist hlutur þess milli annarra fiskiskipa frá Grundarfirði. Skilyrði er að aflinn skuli unninn í Grundarfirði. Með umsókn fylgi staðfesting um samning við fiskvinnslu á staðnum.
2. Þrír fjórðu byggðakvótans (103,5 þorskígildistonn) fari til að bæta upp samdrátt vegna banns við skelveiðum á Breiðafirði.  
Reglur við úthlutun samkvæmt þessum lið:
  - a) Rétt til að sækja um úthlutun byggðakvóta hafa útgerðir sem gera út fiskiskip frá Grundarfirði eða starfrækja þar vinnslu afla og hafa aflahlutdeild í hörpuskel á fiskveiðiarinu 2004/2005.
  - b) Aflinn skal veiddur af skipum gerðum út frá Grundarfirði.
  - c) Umræddur byggðakvóti skal unninn í Grundarfirði, samningur við fiskvinnslu skal fylgja umsókn.
  - d) Byggðakvóta samkvæmt umsóknum er uppfylla ofangreind skilyrði skal úthlutað á milli umsækjenda hlutfallslega miðað við aflahlutdeild í hörpuskel.

## 9. Húnaþing vestra.

1. Úthlutun veiðiheimildanna verði skipt milli báta/skipa í eigu útgerða sem lögheimili höfðu í Húnaþingi vestra 1. september 2004.

2. 60% af þorskígildislestum í byggðakvóta Húnaþings vestra verður skipt milli báta/skipa sem gera út frá Hvammstanga í hlutfalli við landaðan afla þeirra í þorskígildislestum talið í Hvammstangahöfn á fiskveiðiarunum 2002-2003 og 2003-2004. Við úthlutun veiðiheimilda skv. ofangreindu skal enginn bátur/skip hljóta meira en 12 þorskígildislestir miðað við óslægðan fisk.
3. 30% af þorskígildislestum í byggðakvóta Húnaþings vestra verður skipt jafnt milli þeirra báta/skipa sem gera út frá Hvammstanga og orðið hafa fyrir skerðingu aflaheimilda vegna aflabrests á rækju í innanverðum Húnaflóa.
4. 10% af þorskígildislestum í byggðakvóta Húnaþings vestra skal skipt jafnt milli þeirra báta/skipa sem sjávarútvegsráðuneytið hefur úthlutað aflaheimildum fyrir fiskveiðiárið 2004-2005.
5. Verði byggðakvótanum ekki öllum úthlutað samkvæmt ofangreindum reglum, skal úthluta því sem eftir stendur skv. ákvæðum 2. liðar.
6. Afla sem úthlutað er samkvæmt reglum þessum skal landað á Hvammstanga.

#### 10. Höfðahreppur.

1. Úthlutuðum veiðiheimildum verði skipt eingöngu milli þeirra útgerðaraðila sem áttu lögheimili á Skagaströnd 1. desember 2004 og eiga skip með veiðileyfi, skráð 1. september 2004. Jafnframt er gert að skilyrði að 2/3 hlutar áhafnar skips sem sótt er um fyrir, hafi átt lögheimili á Skagaströnd 1. desember 2004.
2. Miðað skal við að stærð fiskiskipa sem hljóta úthlutun sé takmörkuð við 250 brl.
3. Einungis verði úthlutað til þeirra sem leggja fram undirritaðan samning við vinnslustöð á Skagaströnd um úrvinnslu aflans skv. úthlutuðum heimildum. Í samningnum skal tiltekið hvers konar úrvinnslu um er að ræða svo og yfirlýsing um að samkomulag sé um fiskverð. Þá skal viðkomandi útgerð skuldbinda sig til að leggja eitt tonn á móti hverjum tveimur sem úthlutað er af byggðakvóta til vinnslu á Skagaströnd. Við gerð samkomulags um löndun afla vegna byggðakvótans skal við það miðað að honum hafi verið landað samkvæmt samkomulaginu fyrir 1. desember 2005. Jafnframt skal viðkomandi útgerð sýna fram á með óyggjandi hætti að staðið hafi verið við samkomulag um löndun byggðakvóta síðasta fiskveiðiárs ef slíkt samkomulag hefur verið gert. Hafi ekki verið staðið við löndun afla er réttur áskilinn til að skerða úthlutun sem því nemur.
4. Við úthlutun veiðiheimildanna verði miðað við tvo flokka. Annars vegar þá sem hafa tapað veiðiheimildum vegna samdráttar í rækjuveiðum og hins vegar almenn úthlutun til útgerða báta með aflamark.
  - a) Byggðakvóti til báta með leyfi til veiða á innfjarðarækju í Húnaflóa. Kvóta sem nemur 100 þorskígildislestum verður úthlutað til þeirra sem hafa yfir að ráða heimildum til innfjarðarækjuveiða enda uppfylli þeir skilyrði 1.-3. gr. reglna þessara. Skal kvótanum skipt hlutfallslega eftir veiðiheimildum til rækjuveiða innfjarðar á Húnaflóa eins og þær voru 1999-2000. Umræddum kvóta verði skipt milli þeirra útgerða sem stunduðu innfjarðarækjuveiðar á tímabilinu og enn gera út frá Skagaströnd.
  - b) Byggðakvóti til báta með aflamark. Kvóta sem nemur 38 þorskígildislestum verður úthlutað til báta sem uppfylla skilyrði 1.-3. gr. reglna þessara og skal skipta framan-greindum heimildum jafnt á milli hæfra umsækjenda.

#### 11. Kaldrananeshreppur.

1. Úthlutuðum byggðakvóta Kaldrananeshrepps sbr. rgl. nr. 960/2004 í þorski skal landað og hann unninn í Kaldrananeshreppi.

2. Byggðakvóta skal skipt jafnt milli báta og skulu útgerð og meirihluti áhafnar eiga lögheimili í Kaldrananeshreppi.
3. Útgerð báts sem fær úthlutað byggðakvóta má hvorki leigja né selja af eigin aflaheimildum í þorski á fiskveiðiárinu 2004/2005.
4. Aðeins einn bátur frá sömu útgerð getur fengið byggðakvóta.
5. Útgerðir skulu í einu og öllu fara að þeim skilyrðum sem hér koma fram, þar á meðal skulu forráðamenn þeirra skrifa undir samkomulag við Kaldrananeshrepp um að þær afsali sér byggðakvótanum fari þær eða geti þær ekki farið að þeim reglum sem um úthlutun byggðakvótans gilda. Þá fyrirgera útgerðir sem ekki fara að skilyrðum reglnanna rétti sínum til hugsanlegrar úthlutunar á næsta ári.
6. Útgerðir leggi fram skriflegt samkomulag við fiskvinnslur í Kaldrananeshreppi um vinnslu þeirra aflaheimilda sem þeim verður úthlutað skv. þessum reglum og að þær leggi fram 5 kíló af þorski fyrir hvert kíló sem þeim er úthlutað af byggðakvóta Kaldrananeshrepps.
7. Útgerðir sem samþykkja þessar reglur og uppfylla framangreind skilyrði eiga kost á byggðakvóta sæki þær um fyrir 15. febrúar 2005.

#### **12. Ólafsfjarðarbær.**

1. Úthlutuðum byggðakvóta Ólafsfjarðarbæjar skal landað og hann unninn í Ólafsfirði.
2. Útgerðaraðilar aflamarksbáta og krókaafلامarksbáta undir 20 tonnum sem skráðir eru í Ólafsfirði þegar sótt er um eiga rétt til úthlutunar.
3. Ólafsfjarðarbær mun auglýsa eftir umsóknum. Þær skulu berast bæjarstjóra fyrir 10. febrúar 2005.
4. Umsókn skal fylgja samningur við fiskvinnslufyrirtæki í Ólafsfirði um vinnslu aflans. Framsal til fiskverkenda eða fyrirtækja annarra en samningurinn tekur til er óheimilt.
5. Úthlutun aflaheimilda á einstaka útgerð sem uppfylla reglur þessar skal vera a.m.k. 5 þorskígildistonn.
6. Því sem eftir er verður skipt í hlutfalli við úthlutað aflamark og krókaafلامark umsækjenda á fiskveiðiárinu 2004/2005.
7. Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski án þess að það teljist framsal á úthlutuðum aflaheimildum.
8. Áskilið verði í samkomulagi við hlutaðeigandi að hann afsali sér aflaheimildunum geti hann ekki farið að þeim reglum sem um ráðstöfun þeirra gilda.

#### **13. Raufarhafnarhreppur.**

1. Fyrir hvert kíló af þorski sem bátur fær í byggðakvóta skal leggja fram tvö kíló af þorski á móti af eigin aflaheimildum. Þeim afla skal landa til vinnslu á Raufarhöfn. Skal undirrituð staðfesting fiskvinnslu um samstarf fylgja umsókninni. Öðrum tegundum en þorski er útgerðinni frjálst að ráðstafa. Þó skal landa a.m.k. 75% af aflaheimildum í þorski viðkomandi báts í gegnum hafnarvog á Raufarhöfn.
2. Útgerð báts sem fær úthlutað byggðakvóta má hvorki leigja eða selja af eigin aflamarksheimildum (miðað við upphaf kvótaárs) í þorski á fiskveiðiárinu 2004/2005. Bátur skal fyrst landa eigin aflamarksheimildum í þorski áður en byggðakvóti er færður á viðkomandi bát. Þó skal tekið tillit til leyfilegs magns sem skv. lögum má geyma milli ára.
3. Aðeins einn bátur frá sömu útgerð getur fengið byggðakvóta og skal báturinn hafa verið gerður út frá Raufarhöfn undanfarið ár og ekki verði breyting þar á. Þá skal og áhöfn báts

vera með lögheimili á Raufarhöfn. Sé sótt um undanþágu frá skilyrði um lögheimili skal hún vel rökstudd í umsókn.

4. Fyrir 1. júlí 2005 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem síðan verður endurúthlutað.
5. Umsóknarfrestur um byggðakvóta er til 27. janúar 2005 og verður öllum umsóknum svarað fyrir 7. febrúar 2005. Verði á næsta ári úthlutað byggðakvóta með svipuðum hætti og í ár mun sveitarstjórn hafa reynslu þessa árs til hliðsjónar.

#### 14. Skagafjörður.

1. Úthluta skal samkvæmt 5. gr. reglugerðar nr. 960/2004 um úthlutun á 3.200 þorsk-ígildislestum til stuðnings byggðarlögum, þó þannig að einungis bátar sem skráðir eru frá Hofsósi 1. desember 2004 komi til greina.

#### 15. Skeggjastaðahreppur.

1. Réttur til úthlutunar – skilyrði.
  - a) Sækja þarf um byggðakvóta til sveitarstjórnar vegna einstakra báta fyrir 1. febrúar 2005.
  - b) Úthlutuðum veiðiheimildum verði skipt jafnt á milli þeirra báta sem skráðir hafa verið með heimahöfn í Skeggjastaðahreppi á sl. fiskveiðiári.
  - c) Einnig eiga bátar rétt á úthlutun ef eigendur þeirra hafa átt lögheimili og starfsstöð í Skeggjastaðahreppi á umræddum tíma.
  - d) Þá er það skilyrði sett að bátur hafi landað a.m.k. 50% af afla síðasta fiskveiðiárs í Bakkafjarðarhöfn
  - e) Einungis aflamarksskip undir 100 brúttótonnum og krókaafلامarksbátar eiga rétt á úthlutun.
2. Úthlutunarreglur.
  - a) Þeir sem fá úthlutað byggðakvóta skuldbinda sig til að leggja allan sinn afla upp til vinnslu á Bakkafirði.
  - b) Undantekningu má gera frá þessari reglu ef ekki er kaupandi að aflanum á Bakkafirði eða ef ekki fæst markaðsverð á staðnum.
  - c) Þá skuldbindi þeir sig ennfremur til þess að selja eða leigja ekki frá sér aflaheimildir á fiskveiðiárinu umfram það sem þeir leigja eða kaupa til sín.
  - d) Telji einhver, sem hefur fengið til sín byggðakvóta, sér nauðsynlegt að láta frá sér meiri aflaheimildir en þeir fá til sín sbr. 2. tl. þá skal viðkomandi gera fyrir lok maímánaðar sveitarstjórn grein fyrir því og afsala sér jafnframt byggðakvótanum, sem þá verður skipt milli annarra báta sem úthlutun hafa fengið.

#### 16. Snæfellsbær.

1. Þeir sem koma til greina við úthlutun á kvótanum eru aflamarksskip sem uppfylla eftirfarandi skilyrði:
  - a) Aflamarksskip sem skráð voru í Ólafsvík/á Rifi þann 1. september 2004.
  - b) Aflamarksskip þarf að hafa landað afla í Ólafsvík/á Rifi á tímabilinu 1. september – 1. desember 2004.
  - c) Afla sem úthlutað er samkvæmt þessari reglu er skylt að landa til vinnslu innan Snæfellsbæjar.
  - d) Samningur við fiskvinnslu þarf að fylgja umsókninni.

- e) Einungis þau aflamarksskip sem hafa yfir að ráða 10 þorskígildistonnnum eða meira koma til greina við úthlutun.
2. Allir þeir sem óska eftir að fá úthlutað aflaheimildum samkvæmt ofangreindum skilyrðum, þurfa að sækja um það skriflega til bæjarstjórnar Snæfellsbæjar fyrir 10. febrúar 2005.

#### **17. Súðavíkurhreppur.**

1. Úthlutað skal til aflamarksskipa og krókaaflamarksbáta.
2. Bátum/skipum sem úthlutað er byggðakvóta er skylt að leggja til aflaheimildir í bolfiski að lágmarki til jafns við úthlutaðan byggðakvóta og skoðast móttekin umsókn um byggðakvóta sem staðfesting á því að það verði gert.
3. Til að eiga rétt á úthlutun byggðakvóta skulu bátar/skip vera skráð og hafa verið með heimahöfn í Súðavík 1. september 2004 og einnig útgerð báta/skipa skulu vera og hafa verið með skráð lögheimili í Súðavíkurhreppi 1. september 2004.
4. Skilyrði fyrir úthlutun byggðakvóta eru að þeir bátar/skip landi afla sínum, sem nemi úthlutuðum byggðakvóta í Súðavík og getur úthlutun á hvern bát/skip numið allt að 80 þorskígildistonnnum.
5. Úthlutuðum byggðakvóta og mótframlag skal unnið í Súðavík. Skila skal inn með umsókn um byggðakvóta, annað hvort samkomulagi við fiskvinnslustöð í Súðavík eða upplýsa á annan hátt hvernig vinnslu aflans muni verða háttáð og mun sveitarstjórn taka afstöðu til hvernar umsóknar fyrir sig.
6. Við úthlutun til báta/skipa skal taka tillit til úthlutaðra aflaheimilda og bóta vegna rækju fyrir fiskveiðiárið 2004/2005.
7. Öllum afla samkvæmt þessum reglum skal landað fyrir lok fiskveiðiársins 2004/2005.
8. Fyrir 1. maí 2005 skulu útgerðaraðilar sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiársins. Geti hlutaðeigandi ekki fylgt reglum sveitarstjórnar skal hann afsala sér úthlutuðum byggðakvóta, sem síðan verður endurúthlutað.
9. Fylgi útgerðaraðili ekki þeim skilyrðum, sem sett eru varðandi vinnslu afla í Súðavík, fyrirgerir hann rétti sínum til hugsanlegrar úthlutunar á næsta ári, að óbreyttum reglum.

#### **18. Vopnafjarðarhreppur.**

Reglurnar taka mið af eftirfarandi atriðum:

1. Reglugerð nr. 960, 6 desember 2004, þó þannig:
  - a) Ekkert skip getur fengið meira en 15 tonn.
  - b) Skip stærri en 1000 brúttótonn fá ekkert.
  - c) Skip sé skráð á Vopnafirði við upphaf kvótaárs 2004/2005 og sé það enn 31. desember 2004.
  - d) Úthlutun miðast við aflahlutdeildir, sem bundnar eru við skip 31. desember 2004 skv. upplýsingum frá Fiskistofu og hvað þær gefa í þorskígildum talið, miðað við heildarkvóta fiskveiðiársins 2004/2005.
  - e) Allur kvótinn skal veiddur af viðkomandi bátum og hann unninn á Vopnafirði.

#### **19. Þórshafnarhreppur.**

1. Byggðakvóta skal úthluta í tvennu lagi. Annars vegar til nýrra útgerða, allt að 5 þorskígildistonn á hvern bát og hins vegar til þeirra báta sem gerðir eru út frá Þórshöfn, landað hafa afla þar og hafa veitt allan sinn kvóta á liðnu fiskveiðiári. Þá skal og áhöfn báts vera



með lögheimili á Þórshöfn. Sé sótt um undanþágu frá skilyrði um lögheimili skal hún vel rökstudd í umsókn.

2. Skilyrði er að viðkomandi útgerð flytji ekki af viðkomandi báti aflamark nema sem skipti á aflamarki. Útgerð skal fyrst landa eigin aflaheimildum áður en byggðakvóti verður færður á bát viðkomandi. Við úthlutun byggðakvóta koma aðeins þær útgerðir til greina þar sem um aðalatvinnu útgerðaraðila og áhafnar er að ræða.
3. Að frádregnum úthlutunum vegna nýrra útgerða skiptist byggðakvóti Þórshafnarhrepps milli einstakra báta þannig að 70% miðast við stærð báta en 30% skiptast jafnt. Engri einstakri útgerð skal þó úthlutað meiru en sem nemur 25 þorskígildistönnum.
4. Hver útgerð sem úthlutað verður byggðakvóta skal landa a.m.k. tvöfalt meiri afla (tonn á móti tonni) en sem nemur byggðakvótanum til vinnslu á Þórshöfn. Í umsókn skal gera nánari grein fyrir þessum þætti (t.d. aðgerðarþjónusta, eigin vinnsla o.fl.).
5. Ný útgerð telst sú útgerð sem hafin hefur verið innan síðustu þriggja ára, hefur fjárfest í aflahlutdeildum og stefna viðkomandi útgerðaraðila er að hafa aðalatvinnu sína af rekstri viðkomandi útgerðar. Leggja skal fram gögn til staðfestingar framangreindu s.s. kvittanir vegna kaupa aflahlutdeildar og áætlanir um rekstur.
6. Sækja skal sérstaklega um vegna nýrrar útgerðar, samkvæmt ofangreindum lið. Þær útgerðir sem fá úthlutun samkvæmt lið 5 eiga jafnan rétt og aðrar til úthlutunar samkvæmt lið 3.
7. Fyrir 1. júní 2005 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem síðan verður endurúthlutað.

## 20. Ölfus.

1. Úthlutaðum veiðiheimildum verði eingöngu skipt milli þeirra skipa sem skráð voru með heimahöfn í Þorlákshöfn 31. desember 2004, enda séu útgerðir þeirra með lögheimili/starfsstöð í sveitarfélaginu. Jafnframt þurfa útgerðir viðkomandi báta/skipa að lýsa yfir vilja sínum til að landa til vinnslu á staðnum því magni sem þeir fá úthlutað.
2. Úthlutaðum veiðiheimildum skal skipt milli fiskiskipa í hlutfalli við landaðan afla kvóta-árið 2003/2004. Miða skal við gögn frá Fiskistofu um landaðan afla fiskiskipa fiskveiði-árið 2003/2004.
3. Úthlutað verður til útgerða þeirra skipa, sem sækja um skriflega eigi síðar en 10. febrúar 2005 til bæjarstjórnar um hlut í úthlutaðum fiskveiðiheimildum. Á grundvelli umsókna úthlutar bæjarstjórn eigi síðar en 25. febrúar 2005 heildarmagni byggðakvóta á fiskveiði-árinu til þeirra báta sem undir reglurnar falla í sama hlutfalli miðað við landaðan afla fiskveiðiárið 2003/2004.

## 21. Öxarfjarðarhreppur.

1. Úthlutaður byggðakvóti verði unninn á Kópaskeri, verði því viðkomið þ.e.a.s. svo framarlega sem á Kópaskeri verði starfandi fiskvinnsla (vinnsla í þessu tilfelli telst t.d. flokkun og þökkun sem og önnur hefðbundin vinnsla þ.e.a.s. flökun, frysting, söltun o.s.frv.).
2. Bátum sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta og skoðast móttékin umsókn sem staðfesting viðkomandi á því að það verði gert. Öllum afla samkvæmt þessari grein skal landað fyrir lok fiskveiðiárs. Bátur skal fyrst landa eigin aflaheimildum áður en byggðakvóti er færður á viðkomandi bát.

3. Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski án þess að það teljist framsal á úthlutaðum aflaheimildum. Framselji útgerðir aflaheimildir á yfirstandandi fiskveiðiári skulu þær afsala sér sambærilegu magni af byggðakvótanum, sem úthlutað verður að nýju af sveitarstjórn.
4. Umsóknarfrestur um byggðakvóta er til 2. febrúar 2005 og skal öllum umsóknum svarað fyrir 9. febrúar 2005. Umsóknir skulu hafa borist fyrir kl. 17:00 á skrifstofu sveitarfélagsins 2. febrúar 2005. Sveitarstjórn skiptir kvótanum jafnt á milli umsækjenda en þó verður aldrei minna en 50% kvótans úthlutað til heimabáta, þessi liður kann þó að verða tekinn til endurskoðunar í ljósi fjölda umsókna.
5. Þann 1. ágúst 2005 skulu útgerðir þeirra skipa sem úthlutað fá byggðakvóta samkvæmt þessum reglum skila inn greinargóðri skýrslu um nýtingu hans.
6. Með umsókn um veiðiheimildir skv. reglum þessum samþykkir viðkomandi þá skilmála sem reglurnar fela í sér. Útgerðir skulu að einu og öllu fara að þeim skilyrðum sem hér koma fram, þar á meðal skulu forráðamenn þeirra skrifa undir samkomulag við Óxarfjarðarhrepp um að þær afsali sér aflaheimildum fari þær eða geti ekki farið að þeim reglum sem um úthlutun byggðakvótans gilda. Þá fyrirgera útgerðir sem ekki fara að skilyrðum reglnanna rétti sínum til hugsanlegrar úthlutunar á næsta ári, að óbreyttum reglum.

2. gr.

Auglýsing þessi er gefin út með stoð í 4. mgr. 4. gr. reglugerðar nr. 960, 6. desember 2004, um úthlutun á þorskígildislestum til stuðnings byggðarlögum, til þess að öðlast þegar gildi.

*Sjávarútvegsráðuneytinu, 24. janúar 2005.*

F. h. r.

**Vilhjálmur Egilsson.**

---

*Jón B. Jónasson.*